

Қазақстан Республикасының Үкіметі мен Қытай Халық Республикасының Үкіметі арасындағы Әскери-техникалық ынтымақтастық туралы келісімді бекіту туралы

Қазақстан Республикасы Үкіметінің Қаулысы 1997 жылғы 24 ақпандағы N 258

Қазақстан Республикасының Үкіметі қаулы етеді:

1996 жылғы 5 шілдеде Алматы қаласында қол қойылған Қазақстан Республикасының Үкіметі мен Қытай Халық Республикасының Үкіметі арасындағы Әскери-техникалық ынтымақтастық туралы келісім бекітілсін.

Қазақстан Республикасының
Премьер-Министрі

Қазақстан Республикасының Үкіметі және Қытай
Халық Республикасының Үкіметі арасындағы
әскери-техникалық ынтымақтастық туралы
КЕЛІСІМ

Бұдан былай "Тараптар" деп аталатын Қазақстан Республикасының Үкіметі және Қытай Халық Республикасының Үкіметі,

1993 жылы 18 қарашада Пекин қаласында қол қойылған Қазақстан Республикасы және Қытай Халық Республикасы арасындағы достық қарым-қатынастардың негіздері туралы біріккен Декларацияны, 1995 жылы 11 қыркүйекте Пекин қаласында қол қойылған Қазақстан Республикасы және Қытай Халық Республикасы арасындағы достық қарым-қатынастарды ары қарай дамыту және тереңдету туралы біріккен Декларацияны басшылыққа ала отырып,

1995 жылы 1 қыркүйекте Пекин қаласында қол қойылған Қазақстан Республикасының Қорғаныс министрлігі және Қытай Халық Республикасының Қорғаныс министрлігі арасындағы ынтымақтастық туралы Меморандумды есепке ала отырып,

бейбіт қарым-қатынастардың және өзара сенімнің бес принципіне негізделген Тараптар арасындағы әскери-техникалық ынтымақтастық дамытуға ұмтыла отырып,
төмендегілер жөнінде келісті:

Тараптар өз елдерінің заң шығарушылығына, жалпыға танымал халықаралық құқық принциптеріне сәйкес, теңдік және өзара тиімділік негізінде, екі елдің халықаралық міндеттерін есепке ала отырып:

1) Тараптардың әскери-техникалық ынтымақтастығын:

2) Тараптардың қарулы күштері және қорғаныс өнеркәсіптерінің кәсіпорындары арасындағы экономикалық және ғылыми-техникалық ынтымақтастықты дамытуға жәрдем көрсетеді.

1. Екі Тарап төмендегі бағыттарда:

1) жаяу әскерлер, әскери-теңіз күштері, әскери-әуе күштері, әуе шабуылына қарсы қорғаныс күштері және радиотехникалық әскерлердің мұқтаждықтары үшін өндірілетін әскери техниканы, қару-жарақты, оларға қажетті тетіктерді және қосалқы бөлшектерді (бұдан былай "арнайы мүлік" деп аталатын) жеткізуді;

2) біріккен ғылыми-зерттеу және тәжірибе-конструкторлық жұмыстарды және арнайы мүлікті тәжірибе тәртібімен бірігіп дайындауды жүргізуді;

3) әскери техника мамандарымен және қорғаныстық-ғылыми

зерттеулермен, арнайы мүлікті дайындау және жасаумен айналысатын мамандармен алмасуды;

4) қорғаныстық ғылыми-техникалық мәліметтермен және құжаттармен алмасуды;

5) арнайы мүлікті, олардың тетіктерін және қосалқы бөлшектерін жөндеуді және жетілдіруді;

6) арнайы мүлікті пайдалану және жөндеу бойынша мамандарды дайындауды;

7) Тараптардың келісуі бойынша анықталған объектілерде ынтымақтастықты жүзеге асырады.

2. Жоғарыда көрсетілген бағыттарда қаржылай есеп айырысу әрбір нақты жағдайда атап көрсетілетін тәртіпте және шарттарға сәйкес жүзеге асырылады.

Осы Келісімнің 2-бабында атап өтілген ынтымақтастық төмендегі:

- 1) Тараптар келіскен техникалық тапсырмалар бойынша конструкторлық жұмыстарды жүргізу және тәжірибе тәртібімен арнайы мүлікті жасау;
- 2) Тараптар келіскен техникалық тапсырмалар бойынша жеткізілетін арнайы мүлікті жетілдіру;
- 3) арнайы мүліктің тиісті түрлерін таңдау бойынша ұсыныстарды дайындау және беру;
- 4) арнайы мүлікті дайындау, жасау және жөндеу бойынша біріккен кәсіпорындарды құру;
- 5) Тараптардың заң шығарушылығына сәйкес арнайы мүлікті өндіруге рұқсат беру және алу;
- 6) Тараптардың заң шығарушылығына және олардың халықаралық міндеттеріне сәйкес өзара жеткізілетін арнайы мүлікті дайындау және жөндеу бойынша техникалық құжаттармен алмасу;
- 7) арнайы мүлікті дайындау және жөндеу бойынша технологиялық жабдықтарды өзара жеткізу;
- 8) арнайы мүлікті дайындауда және жөндеуде пайдаланылатын шикізат, материалдар, жартылай фабрикаттар және қосалқы бұйымдарды өзара жеткізу;
- 9) Тараптар келіскен басқа да жолдармен жүзеге асырылады.

4 - Б а п

Арнайы мүлікті, тетіктерді және оларға қажетті қосалқы бөлшектерді өзара жеткізу және жөндеуді жүргізу Тараптардың өкілетті ұйымдары келіскен тізімдер бойынша жүзеге асырылады.

5 - Б а п

1. Осы Келісімді орындау үшін өкілетті ұйымдар:

Қазақстан Тарапынан: Қазақстан Республикасының Қорғаныс министрлігі, Қазақстан Республикасының Экономика министрлігі және Қазақстан Республикасының Өнеркәсіп және сауда министрлігі жанындағы Қорғаныс өнеркәсібі бойынша комитет;
Қытай Тарапынан: ҚХАА бас штабы және Қытай Халық

Республикасының Қорғаныс ғылымы, техникасы және қорғаныс өнеркәсібі бойынша комитеті болып табылады.

2. Екі Тараптың өкілетті ұйымдары ынтымақтастық нақты мазмұнын,

объектілерін, жоспарларын және формаларын, сондай-ақ осы Келісім бойынша есеп айырысу тәртібі иен шарттарын барынша тез арада келіседі.

6-Бап

Ынтымақтастық кезінде пайда болатын нақты сұрақтарды Тараптардың өкілетті ұйымдары келіссөздер жүргізу жолдарымен шешіп отырады.

7-Бап

Осы Келісімді орындау үшін өзара делегацияларды жіберуге байланысты сұрақтар Тараптардың өкілетті ұйымдарымен келісіледі.

8 - Б а п

1. Тараптар ынтымақтастық процесі кезінде арнайы мүліктің, тетіктердің, қосалқы бөлшектердің, блоктардың, материалдардың, техникалардың, патенттердің, ынтымақтастық жоспарларының, жұмыс кестесінің және ғылыми-техникалық құжаттардың құпиялығын сақтауды

қамтамасыз етуге қажетті шараларды қабылдайды.

2. Ынтымақтастық кезінде Тараптар алған нәтижелер, мәліметтер Тараптарға тиесілі және екінші Тараптың жазбаша келісімінсіз үшінші Тарапқа берілмейді.

9-Бап

Осы Келісім Тараптардың келісуі бойынша жазбаша түрде өзгертілуі және толықтырылуы мүмкін.

10-Бап

Осы Келісім Тараптар қол қойған күннен бастап уақытша қолданылады.

Осы Келісім Тараптардың қажетті ішкі мемлекеттік процедураларын орындағандығы туралы ноталармен айырбастаған күннен бастап күшіне енеді.

Осы Келісім бес жыл мерзім ішінде күшінде қалады және ары қарай егерде Тараптардың біреуі оның қызметін тоқтатқысы келетіндігі туралы Келісім қызметінің бітуіне алты ай қалған мерзім ішінде екінші Тарапқа жазбаша түрде өз ниетін хабарламаса, онда оның күші өзінен-өзі келесі бес жылға ұзартылады.

Осы Келісім 1996 жылы 5 шілдеде Алматы қаласында әрқайсысы қазақ, қытай, орыс тілінде екі данада жасалды, сондай-ақ барлық текстің күші бірдей.

Осы Келісімді түсіндіру кезінде қарама-қайшылық пайда болған жағдайда Тараптар орыс тіліндегі тексті ұстанады.

Қазақстан Республикасының Қытай Халық Республикасының
Үкіметі үшін Үкіметі үшін